



Republika e Kosovës
Republika Kosova - Republic of Kosovo
Qeveria - Vlada - Government
Zyra e Kryeministrit - Ured Premijera - Office of the Prime Minister
Agjencia e Statistikave të Kosovës - Agencija za Statistiku Kosova - Statistical Agency of Kosovo

REGJISTRIMI I POPULLSISË NË KOSOVË 2021

**Harta Rrugore për Regjistrimin e Popullsisë dhe
Ekonomive Shtëpiake**

Prishtinë,
Mars 2018¹

¹ Dokumenti është azhurnuar ne vitin muajin Korrik 2020

Përmbajtja

Faqe

1. Regjistrimi i popullsisë ka një dimension të fuqishëm nacional dhe internacional	5
2. Nevoja për të dhënat e regjistrimit	6
3. Regjistrimet e Popullsisë i zbatojnë standardet internacionale	7
4. Shtrirja dhe kostoja e regjistrimit në Kosovë	8
5. Puna përgatitore	9
AKTIVITET KRYESORE, AFATI KOHOR DHE PËRGJEGJËSIT PËR NJË REGJISTRIM TË SUKSESSHËM	10
6. Struktura organizative	10
7. Ligji	10
8. Buxheti	11
9. Metodologjia /pyetësorët	12
10. Grumbullimi i të dhënave në terren (TI)	12
11. Hartografia/GIS	13
12. Logjistika	14
13. Komunikimi	14
14. Administrata	15
15. Testet para Regjistrimit	16
16. Pilot Regjistrimi	17
17. Regjistrimi në terren	17
18. Anketa Post Regjistruese (APS/PES)	18
19. Analizimi dhe tabelimi	19
20. Të dhënat preliminare	19
21. Të dhënat finale	20
22. Raportet tjera specifike	20
23. Dërgimi i të dhënave tek institucionet lokale dhe ato ndërkombëtare / diseminimi	21
24. Regjistri i Popullsisë/lidhja me bazat tjera	21
25. Rreziqet e mundshme	22
26. Konkluzione dhe rekomandime kryesore	23

Shënim:

Dokumenti është azhurnuar ne muajin Korrik 2020 për shkak te Pandemisë COVID-19, qe ne Kosove ndërmarrja e masave te para nga ana e Qeverise ishte bere nga data 13 Mars 2020 qe kishin ndikim edhe ne shume aktivitete rreth përgatitjes mbi Regjistrimin e Popullsisë.

Organizimi i Pilot Regjistrimit i planifikuar te realizohet ne muajin Prill 2020 ishte shtyre dhe planifikimet e reja korrik 2020) janë qe Pilot Regjistrimi te realizohet nga muaji shtator deri ne mesin e muajit tetor 2020.

Fushat sensibilizuese nuk kishte mundur të realizohet sipas planit (takimet me shfrytëzues dhe ne terren e sidomos ne ato komuna qe ishin përzgjedhur ne Pilot Regjistrim) përfshi disa takime me nivelin qendror te Ministrive, Qeverise dhe disa institucioneve ndërkombëtarë.

Po ashtu, azhurnimi i qarqeve Regjistruese ishte shtyre nga muaji Mars-Qershor 2020 për muajin Qershor-Shtator 2020. Për shkak te ndarjes se vonshme te buxhetit dhe me pas Pandemisë disa pagesa për pajisje janë shtyre për disa muaj.

Meqenëse zhvillimet aktuale (fundi i muajit korrik 2020) te Pandemisë COVID-19 me me shume raste ne javët e fundit është pothuaj e paparashikueshme nëse disa procese (përfshi Pilot Regjistrimin) do et realizohen ne kohe qe do te kenë ndikim ne Regjistrimin e përgjithshëm.

Pavarësisht vështirësive qe mund te paraqiten Agjencia e Statistikës se Kosovës planifikon qe një regjistrim me real është te realizohet ne muajin Shator 2020 meqenëse eshet përgjegjësi e Qeverise qe te përcaktojë datën e Regjistrimit.

Hyrje

Për shkak të kompleksitetit të Regjistrimit të Popullsisë, ASK-ja e ka zhvilluar këtë dokument si burim bazik për aktivitetet kryesore, derisa të tjera dokumente, si plani i detajuar i aktiviteteve dhe buxheti, duhet të azhurnohen bazuar në situatën që do të zhvillohet procesi. Ky dokument është përgatitur në fund të vitit 2018, më pas është azhurnuar në maj 2019 dhe azhurnimi i fundit është bërë në muajin korrik 2020.

Regjistrimi i Popullsisë në vitin 2021 për institucionet që organizojnë dhe zhvillojnë regjistrimin është një kohe shumë e shkurtër marrë parasysh angazhimin dhe përgatitjet e duhura që duhet për një projekt të tille madhor dhe të rëndësishëm.

Të dhënat e dalura nga Regjistrimi i Popullsisë ka implikime të mëdha në shumë sfera socio-ekonomike në vend përfshirë aspektin politik, organizimin më të mirë të shpërndarjes së fondeve tek nivelet e ndryshme, mundëson planifikime më të mira duke u bazuar në të dhëna si dhe mundëson një parashikim më të mirë për të ardhmen.

Pasi regjistrimi i parë në Kosovë pas pavarësisë ishte ai i vitit 2011 (një kapitull i veçantë) ky Regjistrim i popullsisë në vitin 2021 për Kosovën është shumë i rëndësishëm dhe specifik pasi shërben si një instrument për të parë zhvillimet demografike dhe ato socio-ekonomike gjatë këtyre viteve.

Marrë parasysh zhvillimet teknologjike që kanë ndodhur gjatë kësaj dekade, ASK do të implementojë një pjesë të teknologjisë në disa faza të aktiviteteve duke ngritur, mbulueshmërinë, kualitetin si dhe duke shkurtuar kohën e publikimit të të dhënave.

Regjistrimi i Popullsisë në Kosovë do të zhvillohet duke u bazuar nevojat e vendit për të dhëna si dhe do të jetë në harmoni me rekomandimet e fundit për Regjistrime të bëra nga Komisioni Ekonomik i Kombeve të Bashkuara për Evropë².

Sot, të dhënat konsiderohen si një e mirë publike dhe institucionet statistikore duhet t'i përshtaten kërkesës gjithnjë e më të madhe për të dhëna duke respektuar standardet e reja ndërkombëtare - gjithmonë e më të detajuara - për definicionet që duhen aplikuar dhe metodologjitë që duhet ndjekur.

² UNITED NATIONS ECONOMIC COMMISSION FOR EUROPE: Conference of European Statisticians, Recommendations for the 2020 Censuses of Population and Housing.; UNITED NATIONS, New York and Geneva, 2015

1. Regjistrimi i Popullsisë ka një dimension të fuqishëm nacional dhe internacional

Regjistrimet e Popullsisë kanë fuqinë për të gjeneruar një profil të gjerë me të dhëna statistikore gjithëpërfshirëse në aspektin demografik, social dhe ekonomik të një vendi që është një bazë e rëndësishme për qeverisje të mirë dhe vendimmarrje.

Regjistrimi i Popullsisë dhe Ekonomive Shtëpiake është instrumenti më unikë për sigurimin e një profili të tillë komplet dhe të thellë. Në nivel të aggregateve (grupeve) më të vogla regjistrimi konsiderohet si mjet fundamental për promovimin e politikës në nivel lokal dhe regjional, dhe në aspektin nacional ai lejon një revolucion dhe udhëzim të politikës, ndërsa në nivelin internacional ai është thelbësor për monitorimin e marrëveshjeve dhe negociatave multilaterale politike.

Në shkallën botërore, regjistrimet gjykohen të jenë si burime më të sigurta për monitorimin e objektivave zhvillimore të mileniumit të miratuara nga Kombet e Bashkuara dhe procese tjera globale.

Shumë vështrime, analiza dhe vendimmarrje në nivelin ndërkombëtar bazohen në të dhënat nga regjistrimet e popullsisë marrë parasysh gjithë përfshirjen dhe krahasimin e të dhënave me vendet tjera pasi regjistrimet zakonisht organizohen pothuaj në të njëjtën dekadë në nivelin global.

Sipas rregullores të Bashkimit Evropian 2017³, regjistrimi i ardhshëm i popullsisë dhe banesave duhet të lidhet me vitin referues 2021.

Një rreshtim i tillë do t'i siguronte Kosovës një status simbolik të një kombi në mesin e vendeve evropiane duke lejuar krahasimin e të dhënave në regjion, Evropë dhe nivel botëror.

Kështu, Regjistrimi i Kosovës nuk duhet të vështrohet si një detyrë e izoluar vetëm nacionale por në të kundërtën, si një detyrë komplekse plotësisht e futur në një perspektivë shumë më të gjerë internacionale dhe madje edhe në perspektivë të gjerë gjeo-politike e që duhet të merret parasysh.

³ COMMISSION IMPLEMENTING REGULATION (EU) 2017/881, Done at Brussels, 23 May 2017

2. Nevoja për të dhënat e Regjistrimit

Zhvillimet globale të ekonomisë, zhvillimi i tregjeve të reja, teknologjisë dhe hapja e horizonteve të reja janë faktorë shtytës që popullsia e një vendi gjithnjë e më shumë të jetë në lëvizje. Përveç faktorëve natyral të lëvizjes së popullsisë (shkalla e fertilitetit dhe mortaliteti) faktorët tjerë mekanike si migracioni (kombëtar dhe ndërkombëtar) janë faktorët përcaktues në trendet demografike të një vendi. Për shkak të këtyre zhvillimeve të mëdha në një kohë të shkurtër disa shtete (përfshi shtete evropiane) praktikojnë që të kenë dy regjistrime brenda një dekade.

Kosova gjatë kësaj dekade ka pësuar ndryshime të theksuara si në shkallën e fertilitetit, mortalitetit dhe migrimit. Përkundër këtyre ndryshimeve për shkak të kostos së lartë buxhetore, kapaciteteve dhe praktikave të mëparshme Kosova, regjistrimin e popullsisë do e aplikon të zhvillojë në çdo dekadë.

Regjistrimi i Popullsisë 2021, ka një rëndësi tjetër shtesë për Kosovën duke marurë në konsideratë që në Regjistrimin e fundit të vitit 2011, një pjesë e komuniteti serbë (4 komuna) nuk morën pjesë në regjistrim. Regjistrimi i vitit 2021 pritet të jetë gjithëpërfshirës bazuar në interesin e përgjithshëm të të gjitha komuniteteve që jetojnë në Kosovë.

Po ashtu, të dhënat nga Regjistrimi i Popullsisë 2021, do të jenë bazë e mirë për analizimin e trendeve demografike ndërmjet dy regjistrimeve, parashikimet si dhe burim për rifreskimin dhe azhurnimin e të dhënave për tërë sistemin statistikor të Kosovës.

Kosova pas vitit 2020, do të jetë përafuar integriteteve evropiane dhe të dhënat nga regjistrimi do të jenë kryesore në atë fazë.

Pra, regjistrimi përfaqëson një element të rëndësishëm të vet infrastrukturës statistikore, pasi që rezultatet e tij mundësojnë që të nxjerrin edhe mostra proporcionale për çdo anketë që i merr për bazë ekonominë shtëpiake si njësi themelore.

<p>Të dhënat e dalura nga regjistrimi i popullsisë pasi kanë të dhëna të detajuara, gjithëpërfshirëse dhe të shpërndara në nivelin më të vogël organizativ janë të dhëna multidimensionale për një vend, regjion, komunë vendbanim si dhe për institucionet ndërkombëtare.</p>

3. Regjistrimet e Popullsisë i zbatojnë standardet internacionale

Duke e konsideruar rëndësinë e pasjes së të dhënave cilësore dhe të krahasueshme që i respektojnë parimet fundamentale të statistikave zyrtare të KB-së dhe BE-së, Kosova, do të zbatonte standardet ndërkombëtare dhe rekomandimet lidhur me principet dhe metodologjinë për kryerjen e regjistrimit të popullsisë 2021.

Vendet e BE-së si dhe kombet tjera që kanë shprehur gatishmërinë e tyre me strukturat e BE-së duhet të respektojnë kornizën e rregullatorit të përshkruar në dokumentet bazike:

- (1) "Konferenca e Rekomandimeve të Statisticëve Evropian për Regjistrimet e Përgjithshme të Popullsisë 2020" përgatitur në 2015 nga Komisioni Ekonomik i Kombeve të Bashkuara për Evropë, në bashkëpunim me Zyrën Statistikore të Komuniteteve Evropiane⁴;
- (2) "Rregullorja e Komisionit Evropian nr.1201/2009 e Parlamentit Evropian dhe ajo e këshillit të datës 30 nëntor 2009 mbi Regjistrimet e Popullsisë dhe Ekonomive Shtëpiake"⁵.
- (3) "Rregullorja e Komisionit Evropian nr.1151/2010 e Parlamentit Evropian dhe ajo e këshillit të datës 30 nëntor 2009 mbi Regjistrimet e Popullsisë dhe Ekonomive Shtëpiake në lidhje me modalitetet dhe strukturën e raporteve të cilësisë dhe formatin teknik për transmetimin e të dhënave"⁶.
- (4) "Principet dhe rekomandimet për regjistrimin e popullsisë, Versioni i tretë i përgatitur nga Departamenti i Statistikave të Çështjeve Ekonomike dhe Sociale"⁷.

Kosova është e përkushtuar që të respektojë në përputhshmëri këto rekomandime të KB-së dhe të Komisionit Evropian, ashtu siç do të bëjnë vendet e regjionit.

⁴ https://www.unece.org/fileadmin/DAM/stats/publications/2015/ECECES41_EN, UNITED NATIONS New York and Geneva, 2015.

⁵ <http://eur-lex.europa.eu/legal-content/HR/TXT/?uri=celex:32009R1201>, Brussels 2009

⁶ <http://eur-lex.europa.eu/legal-content/HR/TXT/?uri=celex:32009R1201>, Brussels 2010

⁷ https://unstats.un.org/unsd/publication/seriesM/Series_M67rev3en.pdf, United Nations New York, 2017

4. Shtrirja dhe kostoja e regjistrimit në Kosovë

Ashtu si një pjesë e gjerë e shteteve, Kosova planifikon që Regjistrimin e Popullsisë dhe Ekonomive Shtëpiake ta zhvillojë në mënyrë tradicionale duke grumbulluar të dhënat për të gjitha ekonomitë shtëpiake prezentë në territorin e saj dhe grumbullimin e informatave për çdo anëtarë të saj si dhe mbi karakteristikat e ekonomive shtëpiake. Një operacion i një shkalle të tillë të madhe kërkon vizatimin e hartës për tërë territorin, duke ndërtuar pyetësorë që i përshtaten kërkesave nacionale dhe internacionale për të dhënat, duke marrë parasysh specifikën lokale, mobilizimin dhe trajnimit e një vale të regjistruesve, të kontrolluesve dhe mbikëqyrësve të organizuar në një skemë të hierarkisë piramidale, duke bashkëpunuar me administratat lokale për aspektet e logjistikës, bërjen e një fushate të mirë projektuar dhe me shumëdimensional, duke elaboruar dhe implementuar një strategji të shëndosh konsultative për të gjithë pjesëmarrësit dhe shfrytëzuesit e të dhënave, duke grumbulluar, përpiluar, analizuar dhe shpërndarë të dhëna të shumta. Sipas llogarive më të fundit, organizimi i Regjistrimit të Popullsisë dhe Ekonomive Shtëpiake në Kosovë do të kërkonte punësimin e rreth 2,500-2,600 regjistrues aktiv (pas azhurnimit do të këtë të dhëna reale), rreth 650-700 mbikëqyrës aktiv; si dhe rreth 40-50 trajnues-instruktur nga zyra qendrore e ASK. Po ashtu, Komisionet Komunale të Regjistrimit (KKR) do të jenë funksionale në secilën komunë dhe numri i anëtareve të KKR do të variojë në varësi të numrit të popullsisë dhe Qarqeve Regjistruese në atë komunë. Përpunimi i të dhënave nuk do të jetë si në regjistrimin e kaluar (2011), ku u deshën një numër i konsideruar i stafit për përpunim, mbikëqyrje si dhe një kohë prej 7 muajve pasi gjatë Regjistrimit 2021, do të përdoret metoda CAPI (grumbullimi i të dhënave përmes tableteve) ku, të dhënat do të dërgohen/transmetohen nga terreni në bazën e shënimeve (databazë) në formë elektronike për një kohë reale. Kostoja totale e Regjistrimit llogaritet të jetë rreth 12 milion € (apo rreth 6.5 euro për person) që përfaqëson një shumë të përafërte krahasuar me fondet e zakonshme të ndara për punët tjera statistikore (anketat). Në pjesën e dytë të vitit 2018 ASK së bashku me institucionet tjera vendore duke përfshirë Qeverinë, kishte organizuar një konferencë informuese me donatorë për mundësinë e mbështetjes financiare. Qëllimi i atij takimi ishte informimi mbi projektin si dhe mbështetja financiare nga donatorët.

ASK propozon që projekti i Regjistrimit të Popullsisë të mbështetet financiarisht rreth 40% nga Qeveria e Kosovës dhe 60% nga donatorët.

Regjistrimi duke qenë një operacion financiarisht i kushtueshëm si dhe kompleks në aspektin statistikor, autoritetet Kosovare nuk duhet të lejojnë ndërmarrjen / realizimin e tij nëse ka rrezik që regjistrimi të mos jete i suksesshëm- mos-realizohet (aspekti politik, ekonomik apo social).

5. Puna përgatitore

Kosova – dhe veçanërisht Agjencia e Statistikave të Kosovës duhet të fillojë sa më parë përgatitjet për këtë operacion kompleks dhe masiv mbarëkombëtarë. Meqenëse ASK-ja nuk do të ketë asistencë teknike sikurse në regjistrimin e vitit 2011, kur asaj i shtojmë aktivitetet e zhvilluara në kohë gjatë vitit 2005-2008 (dy Pilot Regjistrime të realizuara) si dhe angazhimin e një numri të stafit të veçantë që merreshin me përgatitjet për Regjistrimin e Popullsisë është nevojë urgjente dhe prioritet i lartë që brenda një kohe të shkurtër të formohen Grupet Punuese në kuadër të ASK-së që do të jenë bërthama e aktiviteteve të shumta që pritet dhe duhen realizuar.

- 1. Koha e realizimit të regjistrimit.** ASK-ja planifikon që Regjistrimi i Popullsisë në terren të jetë në pjesën e dytë të vitit 2021, duke propozuar datën 15 shtator deri me 14 tetor 2021. Kjo për faktin si kohë optimale për përgatitje duke marrur parasysh edhe zhvillimet aktuale të Pandemisë COVID-19. Regjistrimi në pjesën e dytë të vitit 2021, është alternativë e aplikuar edhe nga vendet tjera si dhe afat optimal nga institucionet ndërkombëtare për vitin referues.
- 2. Struktura e dokumentit të hartës së rrugës.** Veprimet e nevojshme që duhet implementuar për një Regjistrim të suksesshëm ku janë prezantuar aktivitetet duke rekomanduar datën optimale si dhe përgjegjësit për realizimin e aktiviteteve.

AKTIVITET KRYESORE, AFATI KOHOR DHE PËRGJEGJËSIT PËR NJË REGJISTRIM TË SUKSESSHËM

6. Struktura organizative

Agjencia e Statistikës së Kosovës duhet që jo më larg se pjesa e parë e vitit 2018 të formoi grupet kryesore të punës duke përfshirë edhe nënGrupet Punuese.

7. Ligji

Kosova në Regjistrimin e vitit 2011 kishte Ligjin e veçantë “PËR REGJISTRIMIN E POPULLSISË, TË EKONOMIVE FAMILJARE DHE TË BANESAVE” (Ligji Nr. 03/L237, tetor 2010). Po ashtu, Kosova do të ketë Ligjin e veçantë edhe për Regjistrimin e vitit 2021. Meqenëse Ligji i vitit 2010, në pjesën dërmuese ishte në harmoni me rekomandimet ndërkombëtare për regjistrime duke meqenëse është baza kryesore, ai ka nevojë të amendamentohet në disa nene marrë parasysh të gjeturat dhe sfidat nga regjistrimi i kaluar (2011), si dhe rekomandimet e fundit ndërkombëtare mbi legjislaturën e Regjistrimeve të Popullsisë. ASK-ja duhet të përgatitë një plan për finalizimin e Koncept Dokumentit dhe më pas të Ligjit për Regjistrimin e Popullsisë 2021.

- **Emri i aktivitetit:** Ligji mbi Regjistrimin e Popullsisë 2021
- **Bartës i aktivitetit:** ASK-ZKM
- **Aktiviteti shtesë:** dokument i veçantë planifikues mbi procedimin e Ligjit (ASK)
- **Koha e fillimit të aktivitetit:** Mars, 2019
- **Koha e realizimit të aktivitetit:** pjesa e dytë e vitit 2019 apo pjesa e parë 2020
- **Përgjegjës:** Parlamenti i Kosovës
- **Rezultatet:** Versioni final i Ligjit të Regjistrimit i miratuar

ASK-ja duhet të propozojë anëtarët e grupit punues që do të punojnë në finalizimin e Koncept Dokumentit jo më vonë se fundi i muajit nëntor 2019. Derisa grupi për Ligjin duhet të jetë operacional nga mesi i vitit 2020, dhe të draftoi Ligjin në fund të vitit 2020, duke ia dërguar Qeverisë për aprovim. ASK-ja gjatë vitit 2019 (maj 2019), duhet ta njoftojë zyrtarisht Qeverinë e Kosovës në kohë për futjen e Ligjit në legjislaturën e vitit 2020 për aprovim apo në fillim të vitit 2021.

8. Buxheti

Bazuar në përvojën nga Regjistrimi i vitit 2011 ku, kostoja e Regjistrimit të Popullsisë për një banorë ishte 6.8 euro, vlerësohet se kostoja e Regjistrimit të Popullsisë në vitin 2021, do të jetë e përafërt ndërmjet 6.5 - 7 euro për person kjo për faktin e rritjes së kostos dhe standardit krahasuar me vitin 2011. ASK-ja duhet të përgatisë draftin e buxhetit jo më larg se në muajin tetor 2018 derisa buxhetin final deri në mesin e muajit Maj 2019 dhe te dërgoi ne Qeveri.

ASK-ja vlerëson se duke u bazuar në rëndësinë e të dhënave edhe për institucionet ndërkombëtare, mundësitë dhe kapacitetin financiar të Kosovës, praktikën e mëparshme si dhe nga takimet me institucionet ndërkombëtare ku, BE do të mbështesë disa vende të Ballkanit shpresohet se regjistrimi i popullsisë në Kosovë do të mbështet në pjesën më të madhe nga donatorët. Propozohet që buxheti të jetë i sigurtur: 60% nga donatorët si dhe 40% Kosova. Me qëllim të mundësisë së mbështetjes ASK dhe Qeveria duhet të organizojnë diskutime dhe debate edhe për: menaxhimin e buxhetit, kohën optimale të financimit si dhe çështjet tjera operacionale.

- **Emri i aktivitetit:** Buxheti për Regjistrimin e Popullsisë, 2021
- **Bartës i aktivitetit:** ASK-ZKM
- **Aktiviteti shpresë:** Dokument i veçantë përgatitur nga ASK-ja.
- **Koha e fillimit të aktivitetit:** Drafti –Tetor 2018
- **Buxheti final:** Maj 2019
- **Përgjegjës:** Qeveria, MF dhe Parlamenti i Kosovës (Dhjetor 2019)
- **Rezultatet:** Buxheti i disponueshem për aktivitetet

ASK-ja duhet të caktojë një apo disa persona përgjegjës (Zyra e Koordinimit dhe Buxhetit në ASK së bashku me zyrtarë nga ZKM) të cilët do të llojnë tek institucionet vendore dhe ndërkombëtare për sigurimin e buxhetit në kohë duke përfshirë planifikimin detal sipas aktiviteteve, kostos dhe kohës së realizimit. Në pjesën e dytë të vitit 2018 (Nëntor), ASK së bashku me institucionet tjera vendore ka organizuar një konferencë informuese me donatorë për mundësinë e mbështetjes financiare dhe më pas në muajin (Dhjetor), 2020 një takim konsultativ. ASK dhe Qeveria duhet ta kenë prioritet që të definojnë qartë burimin e financimit jo më larg se pjesa e dytë e vitit (muaji Tetor) 2020.

9. Metodologjia /pyetëtorët

ASK-ja do të respektojë standardet dhe rekomandimet ndërkombëtare për Regjistrimin e vitit 2021, me qëllim që të dhënat nga Kosova të jenë të krahasueshme, pranueshme dhe të jenë në harmoni me Regjistrimin e kaluar (2011). Përveç temave (pyetjeve/pikave) kryesore që do të implementohen sipas rekomandimeve ndërkombëtare do të implementojë edhe pyetjet që janë në interes nacional me fokus migrimin dhe demografinë.

Në fund të vitit 2018, dhe gjatë vitit 2019, ASK-ja duhet të ngitë grupin punues që do të merret me harmonizimin e pyetësorit derisa pyetëtori si draft duhet të jetë i gatshëm jo më larg se muaji Qershor i vitit 2019. Pasi të jetë draftuar pyetëtori, do të jetë në konsultime me shfrytëzues duke përfshirë Institucionet lokale qendrore. Po ashtu, ASK-ja duhet të përgatitë edhe udhëzuesit e nevojshëm.

- **Emri i aktivitetit:** Pyetëtorët dhe Udhëzuesit në Regjistrimin e Popullsisë, 2021
- **Bartës i aktivitetit:** ASK – Demografia - Grupet Punuese
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit të aktivitetit:** Mars 2019
- **Drafti i pyetësorëve:** Qershor 2020
- **Përgjegjës:** ASK
- **Rezultatet:** Pyetëtori i finalizuar (Prill 2020)

Grupi punues për finalizimin e pyetësorëve është i thirrur që të bëjë edhe planin që do të përmbajë edhe: kohën për finalizim, pjesëmarrësit-grupet e interesit, të zhvilloi diskutime si dhe të propozoi kohën e publikimeve preliminare, të dhënave finale si dhe raportet tjera tematike që do të publikohen.

10. Grumbullimi i të dhënave në terren (TI)

Përkundër zhvillimeve teknologjike dhe qasjes në internet të pjesës dërmuese të Kosovës (mbi 88.8 % të ekonomive familjare⁸) Kosova planifikon që Regjistrimin e Popullsisë, Ekonomive Shtëpiake ta zhvillojë në mënyrë tradicionale (derë më derë) duke grumbulluar të dhënat për të gjitha ekonomitë shtëpiake prezentë në territorin e saj, grumbullimin e informatave për çdo anëtarë të saj si dhe grumbullimin e të dhënave mbi karakteristikat e ekonomive shtëpiake.

Ndryshimi ndërmjet Regjistrimit të vitit 2011, dhe atij të planifikuar të vitit 2021, është se grumbullimi i të dhënave nuk do të bëhet përmes formularëve por përmes tabletave (CAPI). Aplikimi i kësaj metode do të jetë sfidë e veçantë për ASK-në dhe në përgjithësi

⁸ Anketa e teknologjisë informative: Agjencia e Statistikave të Kosovës:
<http://ask.rks-gov.net/media/3828/tik-2017.pdf>

për regjistrimin. ASK-ja është në proces e sipër për aplikimin e kësaj metode dhe aplikacioni dhe është përdorur për herë të parë në muajin Maj 2018 tek anketa e EU-SILC.

ASK-ja planifikon që gjatë këtij viti ta shtrijë/aplikacionin dhe këtë metode edhe tek anketat tjera derisa nga viti i ardhshëm pothuaj të gjitha anketat do të grumbullohen përmes kësaj metode-CAPI. Ky është një rast i veçantë për ASK (*kalimi nga forma tradicionale/formularëve në atë elektronike*) shumë i rëndësishëm dhe në kohën e duhur si dhe një eksperiencë e mire për projektin e Regjistrimit të Popullsisë 2021.

- **Emri i aktivitetit:** Metodologjia e grumbullimit të të dhënave në Regjistrimin e Popullsisë, 2021
- **Bartës i aktivitetit:** ASK-TI, stafi i angazhuar
- **Aktiviteti shtesë:** Dokument i veçantë përgatitur nga ASK-ja, mars 2019 - Qershor 2020).
- **Koha e fillimit të aktivitetit:** Zhvillimi i aplikacionit/drafti - Shkurt 2020
- **Koha e realizimit të aktivitetit:** Aplikacioni i finalizuar - Maj 2021
- **Përgjegjës:** ASK
- **Rezultatet:** Aplikacioni i gatshëm për Pilot dhe Regjistrimin e plotë

Grupi i TI në ASK duhet të përgatisë një pjesë të dokumenteve që përmbajnë: Kohën e zhvillimit të aplikacionit, pajisjet e nevojshme, kohën e posedimit të pajisjeve, sigurimin e të dhënave, konfidencialitetin si dhe aspektet tjera të rëndësishme.

11. Hartografia/GIS

Hartografia do të jetë pjesë bazike për gjithëpërfshirje dhe për kualitetin e të dhënave. Gjate pjesë se dytë të vitit 2019, si dhe pjesës së parë të vitit 2020, ASK-ja do të bëjë azhurnimin e Qarqeve Regjistruese (QR) për tërë territorin e saj.

Diskutimet e para dhe rekomandimet janë që dy (2) QR si njësi statistikore të jenë të bashkuara në vetëm një QR. Kjo do të ketë impakt në ndarjen e re të QR dhe numri i tyre do të jetë përgjysmë më i vogël se sa numri i QR të vitit 2011 apo nga rreth 5.000 QR ekzistuese do të jenë 2.500 QR.

Ndarja e tillë do të ndikojë edhe në numrin e personelit të angazhuar si dhe kohëzgjatjen e Regjistrimit në terren. Pritjet janë që personeli i angazhuar në Regjistrimin e vitit 2021 do të jetë i përgjysmuar. Azhurnimi dhe unifikimi i QR do të jetë sfidë në vete rreth përgatitjeve për Regjistrimin e vitit 2021 duke përfshirë sigurimin e ortofotove të reja nga Agjencia Kadastrale e Kosovës.

Emri i aktivitetit: Hartat për Regjistrimin e Popullsisë, 2021

- **Bartës i aktivitetit:** ASK-hartografia/GIS
- **Aktiviteti shtesë:** Dokument i veçantë për gatitur nga ASK-ja.
- **Koha e fillimit të aktivitetit:** Nëntor 2018
- **Drafti i dokumentit:** Mars 2020
- **Dokumenti final:** Qershor 2020
- **Puna në terren:** Tetor- Nëntor- Dhjetor 2019 si dhe Qershor - Shtator 2020
- **Përgjegjës:** ASK
- **Rezultatet:** Hartat të gatshme (Mars 2021)

12. Logjistika

Aplikimi i metodës CAPI gjatë grumbullimit të të dhënave përkundër sfidave të reja do të jetë një ndihmesë e madhe në aspektin logjistikë mbi shpërndarjen dhe grumbullimit e të dhënave nga terreni krahasuar me Regjistrimin e vitit, 2011. Logjistika duhet të jetë e fokusuar në hapësirat e nevojshme për trajnime, pajisjet e nevojshme duke përfshirë shpërndarjen dhe grumbullimin e tyre, materialeve tjera (me fokus materialet e komunikimit) si dhe aspektet tjera logjistike.

- **Emri i aktivitetit:** Logjistika për Regjistrimin e Popullsisë, 2021
- **Bartës i aktivitetit:** ASK
- **Aktiviteti shtesë:** Dokument i veçantë për gatitur nga ASK-ja.
- **Koha e fillimit të aktivitetit:** Janar 2019
- **Drafti i dokumentit:** Qershor 2019
- **Dokumenti final:** Tetor 2020
- **Përgjegjës:** ASK
- **Rezultatet:** Plani i logjistikës i gatshëm

Plani i logjistikës do të hartohet në bashkëpunim me të gjitha Grupet Punuese marrë për bazë ndër lidhshmërinë e procesit. Plani do të azhurnohet gjatë gjithë kohës varësisht prej aktiviteteve dhe kohës.

13. Komunikimi

Fokus i veçantë do ti jepet fushatës komunikuese si dhe instrumentet që do të aplikohen gjatë Regjistrimit. Komunikimi do të jetë i fokusuar në pyetjet sensitive (rezident) duke përfshirë: etnicitetin, religjionin, gjuhën si dhe numrin personal. Çështje e rëndësishme është edhe përfshirja e banorëve jo rezident që do të duhet të jenë pjesë e aktivitetit (grumbullimit) të të dhënave.

Rekomandohet që të aplikohet formulari i veçantë për popullsinë jo rezidentë duke rritur numrin e pyetjeve. Fushata komunikuese duhet të fillojë jo më larg se fillimi i vitit 2019 me një intensitet më të vogël (faze e I-rë) si dhe përgatitjen e draft dokumentit strategjik deri në muajin qershor të vitit 2020 si dhe të jetë i finalizuar në fund të vitit 2020.

Që nga fillim i vitit 2021, duhet implementuar Strategjinë e Komunikimit me një fushate të mirë informuar dhe gjithëpërfshirëse me takime të shumta, komunikime, debate, reklama etj.

Në fillim të vitit 2021 (Prill - Tetor) do të jetë faza intensive e komunikimit duke përdorur instrumente të veçanta për pjesëmarrje të të gjithë popullsisë së Kosovës. Kostoja e përafërt për fushatën komunikuese do të jetë rreth 4% e buxheti të përgjithshëm.

- **Emri i aktivitetit:** Fushat komunikuese për Regjistrimin, 2021
- **Bartës i aktivitetit:** ASK/komunikimi
- **Aktiviteti shtese:** Dokument i veçantë përgatitur nga ASK-ja
- **Koha e fillimit të aktivitetit:** Janar 2019
- **Drafti i dokumentit:** Qershor 2020
- **Dokumenti final:** Nëntor 2020
- **Përgjegjës:** ASK
- **Rezultatet:** Plani i komunikimit i gatshëm (Dhjetor 2020) si dhe implementimi

ASK-ja duhet të krijoj një grup të veçantë punuese do të përgatisë strategjinë e komunikimit si dhe implementimin e fushatës. Po ashtu, ASK-ja duhet të përfshijë në fushatën komunikuese persona me ndikim tek komunitetet gjatë fushatës intensive reklamuese dhe të komunikimit direkt. Sfide e veçante mbetet komunikimi.

14.Administrata

Pas definimit të "Fondit për Regjistrim" ASK duhet të përcaktohet për menaxhimin e buxhetit. Varësisht nga marrëveshja që do të jetë mes institucioneve vendore dhe donatorëve do të varet respektimi dhe implementimi i Ligjeve, Rregulloreve apo Udhëzueseve të tjera legjislative në administratë.

Administrata duhet të jetë e fokusuar në sigurimin e fondeve në kohë, menaxhimin e tyre, shpalljen e kontratave dhe shumë e rëndësishme është realizimi i tyre në kohë, nënshkrimi i kontratave, angazhimin i personelit etj. Sfidë është edhe furnizimi me pajisje në kohen e duhur.

Po ashtu administrata, duhet të sigurojë kushtet e punës gjatë aktiviteteve përgatitore. Gjatë fund vitit 2019, ASK/administrata duhet të sigurojë së paku një hapësirë punuese (20-30 persona) derisa gjatë fillim vitit 2021, duhet të jenë s'paku edhe dy salla të nevojshme vetëm për Regjistrimin e Popullsisë që do të përfshinin: zyre për takime pune të të angazhuarve në regjistrim, takime me shfrytëzues e media, diskutime, prezantime, ruajtje të materialeve.

Takimet nga fillim viti 2019, duhet të jene takime të rregullta (ditore) dhe javore.

- **Emri i aktivitetit:** Administrata për Regjistrimin, 2021
- **Bartës i aktivitetit:** ASK/administrata
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit të aktivitetit:** Janar 2019
- **Drafti i dokumentit:** Qershor 2020
- **Dokumenti final:** Shtator 2020
- **Përgjegjës:** ASK
- **Rezultatet:** Plani i administratës i gatshëm si dhe implementimi

Marrë parasysh respektimin e procedurave ligjore për blerje/furnizim me pajisje dhe angazhimin e stafit (expert, shërbyes civil, pjesë e personelit si dhe nga institucionet tjera publike) dhe kur kësaj i shtohet se aktivitet janë të ndërvarura nga aktivitet tjera administrata duhet të bëjë planin detal duke paraqitur riskun që mund të jenë pengesa reale në procesin e regjistrimit 2021. Sigurimi dhe shpërndaja e buxhetit në kohë (blerja e pajisjeve) sipas aktiviteteve do të jete sfidë e veçantë.

15. Testet para Regjistrimit

Për shkak të implementimit të metodës CAPI në Regjistrimin e vitit 2021, ASK-ja planifikon që të zhvillon disa teste (3 - 5) paraprake me fokus tek metoda CAPI në terren, transmetimi i të dhënave si dhe monitorimi. E rekomanduar që gjate vitit 2019, pasi të jetë finalizuar baza e të dhënave (Aplikacioni) të zhvillohen dy teste. Po ashtu para Pilot Regjistrimit është e rekomanduar të testohen edhe njëherë instrumentet e regjistrimit. Teste tjera mund të realizohen nga Grupet Punuese (hartografia, metoda e trajnimit, komunikimi etj.) varësisht prej nevojës por jo më larg se fundi i vitit 2020.

Për shkak të shtyrjes së Pilot Regjistrimit nga muajin Prill në muajin Shtator 2020, është më se e nevojshme që të zhvillohet edhe një Test masiv qe përfshin punën në terren në muajin Prill 2021.

- **Emri i aktivitetit:** Testet për Regjistrimin e Popullsisë, 2021
- **Bartës i aktivitetit:** ASK/Grupet Punuese
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit te aktivitetit:** Janar 2019
- **Drafti i dokumentit:** Qershor 2019
- **Dokumenti final:** Dhjetor 2019 si dhe i azhurnuar ne Dhjetor 2020
- **Përgjegjës:** ASK dhe Grupet Punuese
- **Rezultatet:** Plani i testeve i gatshëm si dhe implementimi

Rëndësia e testeve paraprake është vitale për një Regjistrim të suksesshëm andaj për secilin test të realizuar duhet të hartohet një raport specifik (intern) mbi të gjeturat dhe rekomandimet. Testet para Regjistrimit të Popullsisë duhet të përfundojnë jo më larg se muaji Prill i vitit 2021.

16. Pilot Regjistrimi

ASK-ja për regjistrimin e popullsisë 2011 kishte zhvilluar tri (3) pilot marrë parasysh metodën dhe se regjistrimi i popullsisë 2011 ishte zhvilluar për herë të parë. Për regjistrimin e popullsisë 2021 ASK-ja planifikon të zhvillojë vetëm një pilot ku do të testohen të gjitha instrument sikurse tek regjistrimi i përgjithshëm.

Propozohet që realizimi i pilotit të zhvillohet në pjesën e parë të vitit 2020 (rekomanduar muaji prill 01-30).

Për shkak të Pandemisë COVID-ASK ka shtyrë Pilot Regjistrimin që është propozuar të jetë Muaji Shtator-tetor 2020 nëse zhvillimet me Pandeminë do të lejonin. Për shkak të kësaj shtyrje dhe ndikimeve tjera në procesin e Regjistrimit të përgjithshëm që është propozuar të realizohet në muajin shtator 2021 e rekomandueshme është që të zhvillohet edhe një mini-pilot apo një test masiv në muajin Prill 2021.

Raport i veçantë (Intern) duhet të përgatitet mbi të gjeturat dhe rekomandimet për përmirësimin e tyre. Mostra propozohet të jetë rreth 1.5 e popullsisë apo rreth 25.000 banorë (shtator 2020).

17.Regjistrimi në terren

Koha optimale e Regjistrimit të përgjithshëm do të rekomandohet të jetë muaji Prill 2021. Me qëllim të gjithë përfshirjes, kualiteti të të dhënave përfshi aspektin logjistikë e administrativ si dhe përvojën nga Regjistrimi i Popullsisë së vitit 2011⁹ grumbullimi i të dhënave në terren do të zgjasë një (1) muaj.

Kjo kohë optimale për grumbullimin e të dhënave në terren do të mundësojë që stafi i angazhuar në terren të kenë qasje më të mirë si në aspektin orientues, gjithëpërfshirës si dhe rritjen e kualitetit të të dhënave.

Nga praktikrat e mëparshme ditët e para (2-3 ditët) ishin të vështira për regjistruesit njëkohësisht edhe për mbikëqyrësit. Angazhimi i stafit për më shumë se një muaj do të jetë inkurajues për punën në terren.

Po ashtu, aspekti logjistikë dhe administrativë do të jetë i përgjysmuar krahasuar me Regjistrimin e vitit 2011 në shpërndarjen e materialeve, hapësirat për trajnime, shpërndarjen/grumbullimin e materialeve/pajisjeve. Aspekt i rëndësishëm është edhe ai financiar ku kostoja e angazhimit të rreth 50% të stafit nënkupton kursim të buxhetit për pajisje dhe aktivitete në rreth 50%. Në aspektin statistikor nuk paraqet asnjë devijim statistikor bazuar që shumë shtete kanë aplikuar dhe aplikojnë një kohëzgjatje të tillë

njëherit është si rekomandim ndërkombëtarë. Vlerësohet se numri i regjistrueseve të angazhuar të sillet ndërmjet 2500-2700 (2700 përfshi rezervën) si dhe 650-700 mbikëqyrës.

Po ashtu, nga ASK dhe institucionet tjera qendrore do të angazhohen rreth 40-50 trajnues-instruktur).

Për shkak të ndryshimeve që kanë ndodhur me Pandeminë COVID-19, ASK nuk ka pasur mundësi që të realizojë Pilot Regjistrin e planifikuar në muajin Prill 2020. Po ashtu shumë aktivitete ishin shtyrë duke përfshirë: azhurnimin, komunikimin e sensibilizimin, blerjen e pajisjeve, hapësirën e punës, angazhimin e stafit dhe vendimet e Qeverisë (ndarja buxhetore, legjislativi etj.) që bëjnë pothuaj të pamundur një regjistrim të suksesshëm të planifikuar për muajin Prill 2021. ASK ka diskutuar me Qeverinë dhe ka propozuar si alternativë më të mirë që Regjistrimi i përgjithshëm të jetë në muajin Shtator-Tetor 2021, duke theksuar përparësitë dhe mangësitë si dhe hapat që duhet ndërmarrur Qeveria në kohë (ASK ka përgatitur një dokument mbi datat e mundshme me rekomandime) derisa Qeveria e Kosovës duhet të marrë një VENDIM mbi datën e Regjistrimit që më parë.

- **Emri i aktivitetit:** Regjistrimi i Popullsisë në terren, 2021
- **Bartës i aktivitetit:** ASK/institucionet tjera, komunat dhe stafi i angazhuar
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit të aktivitetit:** Prill 2019
- **Drafti i dokumentit:** Nëntor 2019
- **Dokumenti final:** Dhjetor 2020
- **Përgjegjës:** ASK dhe Grupet Punuese
- **Vendimi mbi datën e Regjistrimit:** Qeveria dhe Kuvendi i Kosovës
- **Rezultatet:** Plani i regjistrimit në terren

Koha e realizimit në terren do të ketë impakt të drejtpërdrejt në: angazhimin e stafit, buxhetit, trajnimeve, pajisjeve dhe shumë aktiviteteve tjera. Andaj, përcaktimi në kohë për datën e regjistrimit në terren është crucial dhe ai duhet të merret jo më vonë se muaji tetor 2020.

18. Anketa Post Regjistruese (APS/PES)

Gjatë vitit 2011 ASK-ja ka implementuar anketën Post Regjistruese e njohur si PES për të vlerësuar: mbulueshmërinë si dhe kualitetin e të dhënave. Njëherit është rekomandim ndërkombëtarë që të zhvillohet PES në projekte të tilla. Përvoja e vitit 2011 na sugjeron që mostra duhet të jetë më e madhe për të nxjerrur rezultate reprezentative. Andaj, sugjerohet që mostra të jete nga 1-1.3% e popullsisë.

- **Emri i aktivitetit:** Anketa Post Regjistruese, 2021
- **Bartës i aktivitetit:** ASK/metodologjia
- **Aktiviteti shtesë:** Dokument i veçantë përgatitur nga ASK-ja.

- **Koha e fillimit të aktivitetit:** Prill 2019
- **Drafti i dokumentit:** Nëntor 2019
- **Dokumenti final:** Dhjetor 2020
- **Përgjegjës:** ASK dhe Grupet Punuese
- **Rezultatet:** Plani i APS

19. Analizimi dhe tabelimi

Sfida e analizimit të të dhënave do të jetë një ndër komponentët e rëndësishme që duhet kushtuar kujdes gjatë planifikimit. Vlerësohet se grumbullimi i të dhënave me anë të metodës CAPI do të rrisë në masë të madhe kualitetin e të dhënave por sfida mbetet analizimi i tyre marrë parasysh numrin e madhu të indikatorëve që do të jenë pjesë e grumbullimit të të dhënave. Harmonizimi, inputimi, pastrimi, analizimi, tabelimi si dhe përgatitja e raporteve finale do të jenë sfida kryesore pas regjistrimit.

Kësaj duhet shtuar edhe dërgim i të dhënave në EUROSTAT sipas standardeve (Census HUB table si dhe të dhënat e disagreguara deri në nivelin e 1km²).

- **Emri i aktivitetit:** Analizimi dhe tabelimi nga Regjistrimi 2021
- **Bartës i aktivitetit:** ASK/gjithë stafi i angazhuar
- **Aktiviteti shtese:** Dokument i veçantë përgatitur nga ASK-ja.
- **Koha e fillimit të aktivitetit:** Prill 2020
- **Drafti i dokumentit:** Nëntor 2020
- **Dokumenti final:** Dhjetor 2020
- **Përgjegjës:** ASK dhe Grupet Punuese
- **Rezultatet:** Plani i analizimit dhe tabelimit

ASK-ja bazuar në përvojën nga regjistrimi 2011 duhet të përgatisë edhe "Raportin e kualitetit" i rëndësishëm për ASK/shfrytëzuesit si dhe njëherit është standard ndërkombëtar. Fokus i veçantë i ASK duhet të jetë analizimi dhe tabelimi në kohë. Baza e të dhënave duhet të jetë lansuar në web faqen e ASK-së jo më larg se dy (2) vite pas regjistrimit.

20. Të dhënat preliminare

Të dhënat preliminare me disa indikatorë bazik duhet të publikohen jo më larg se tre (3) muaj nga data e fundit e regjistrimit në terren. Edhe pse raporti preliminar përmban vetëm disa të dhëna me tabela është sfide e veçantë pasi baza e të dhënave për indikatorët që do të publikohen duhet të jetë e pastruar pothuaj vetëm dy muaj pas regjistrimit.

- **Emri i aktivitetit:** Të dhënat preliminare nga regjistrimi 2021
- **Bartës i aktivitetit:** ASK/të gjitha Grupet Punuese
- **Aktiviteti shtese:** Dokument i veçantë përgatitur nga ASK-ja.
- **Koha e fillimit të aktivitetit:** Prill 2020

- **Pastrimi i bazës së të dhënave:** Maj 2021
- **Drafti i dokumentit:** Maj 2021
- **Dokumenti final:** Qershor 2021
- **Publikimi/konference:** Dhjetor 2021
- **Përgjegjës:** ASK dhe Grupet Punuese
- **Rezultatet:** Plani detali për publikimin e të dhënave preliminare

Përgatitja e të dhënave preliminare është sfidë që duhet planifikuar në detaje pasi pritja (presioni) e publikut është shumë e madh dhe të dhënat duhet të jenë pothuaj identike me ato që do të publikohen si të dhëna finale. Përveç pastrimi dhe analizave, tabelimit përgatitja e raportit sfidë është edhe përkthimi, dizajnimi e lekturimi të gjitha duhet të jenë në kohë optimale.

21. Të dhënat finale

Të dhënat finale duhet të publikohen jo më larg se gjashtë (6) muaj pas regjistrimit. Propozohet që të dhënat e para finale të publikohen në pjesën e parë të muajit tetor 2021. Të dhënat finale përfshijnë një raport me të dhënat bazike me fokus të dhënat në nivel vendi.

- **Emri i aktivitetit:** Te dhënat finale nga Regjistrimi 2021
- **Bartës i aktivitetit:** ASK/të gjitha Grupet Punuese
- **Aktiviteti shtese:** dokument i veçantë përgatitur nga ASK-ja.
- **Koha e fillimit të aktivitetit:** Prill 2020
- **Pastrimi i bazës së të dhënave:** Maj-Korrik 2021
- **Drafti i dokumentit:** Shtator 2021
- **Dokumenti final:** Qershor 2021
- **Publikimi/konference:** Prill 2022
- **Përgjegjës:** ASK dhe Grupet Punuese
- **Rezultatet:** Plani detal për publikimin e të dhënave finale

Sfida të njëjta si tek tek dhënat preliminare do të paraqitet edhe nxjerrja e të dhënave të para finale marrë parasysht kohën e shkurtër për të nxjerrë raporte finale. Një plan detal dhe monitorues është i nevojshëm për nxjerrjen e raportit në kohë.

22. Raportet tjera specifike

ASK duhet të përgatit planin e raporteve specifike duke përfshirë kalendarin e publikimit të këtyre raporteve. Po ashtu, duhet të përcaktohen në kohë angazhimi i stafit nga institucionet tjera varësisht prej tematikës së raportit.

- **Emri i aktivitetit:** Raportet tematike nga Regjistrimi 2021
- **Bartës i aktivitetit:** ASK/të gjitha Grupet Punuese
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit të aktivitetit:** Qershor 2021
- **Drafti i dokumentit:** Korrik 2021
- **Dokumenti final:** Tetor 2021- Dhjetor 2023
- **Publikimet tematike:** 2021-2023
- **Përgjegjës:** ASK dhe Grupet Punuese
- **Rezultatet:** Kalendari i publikimeve dhe raportet tjera tematike

23. Dërgimi i të dhënave tek institucionet lokale dhe ato ndërkombëtare / diseminimi

ASK duhet ta përgatisë planin detal për shpërndarje dhe dërgimin e të dhënave tek institucionet tjera vendore dhe ato ndërkombëtare në harmoni me legjislacionin në fuqi si dhe në formatin e pre definuar që më parë. Një grup i veçantë duhet të përgatisë planin se cilat të dhëna do të jenë të disponueshme për publikun e gjerë, cilat të dhënat do t'iu jepen institucioneve të caktuara si dhe dërgimi i të dhënave në Eurostat.

- **Emri i aktivitetit:** Dërgimi i të dhënave tek institucionet tjera
- **Bartës i aktivitetit:** ASK/të gjitha Grupet Punuese
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit të aktivitetit:** Qershor 2021
- **Drafti i dokumentit:** Korrik 2021
- **Dokumenti final:** Tetor 2021- Dhjetor 2023
- **Publikimet tematike:** 2021-2023
- **Përgjegjës:** ASK dhe Grupet Punuese
- **Rezultatet:** Dërgimi i të dhënave në format të caktuar dhe në kohë

24. Regjistri i Popullsisë/lidhja me bazat tjera

I një rëndësie të veçantë Regjistrimi i Popullsisë 2021 është se ASK vlerëson se ky do te jetë Regjistrimi i fundit duke aplikuar metodën tradicionale të grumbullimit të të dhënave në terren (derë me derë).

ASK-ja vlerëson se Regjistrimet e ardhshme duke iu falenderuar zhvillimit të teknologjisë si dhe zhvillimit të proceseve integruese Kosova do të bëjë Regjistrimin e të dhënave duke u bazuar në të dhënat administrative/regjistrat.

Një grup i veçantë duhet të punojë paralel nga viti 2019 në harmonizimin e të dhënave ekzistuese në institucionet tjera kosovare.

Do të ishte e rëndësishme që nga fillimi i vitit 2021, bazat ekzistuese të ishin të harmonizuara dhe Regjistrimi i Popullsisë 2021, do të përdorej si instrument në popullimin e Regjistrimit të Popullsisë si dhe inputimin e asaj baze.

- **Emri i aktivitetit:** Hartimi i Regjistrimit të Popullsisë
- **Bartës i aktivitetit:** ASK/të gjitha Grupet Punuese, institucionet tjera relevante si dhe mbështetja e madhe politike.
- **Aktiviteti shtesë:** Dokument i veçantë përgatitur nga ASK-ja.
- **Koha e fillimit të aktivitetit:** Pjesa e dytë e vitit 2018
- **Drafti i dokumentit:** Mars 2019
- **Dokumenti final:** Maj 2019
- **Implementimi:** 2019-2022
- **Përgjegjës:** ASK dhe të gjitha Grupet Punuese, institucionet tjera relevante si dhe mbështetja e madhe politike.
- **Rezultatet:** Regjistri i Popullsisë funksional (2021)

25. Rreziqet e mundshme

Janë disa faktorë të jashtëm që mund të kenë ndikim të drejtpërdrejtë në projektin e Regjistrimit të popullsisë.

Situata politike: bazuar në përvojën e deritanishme kur Qeveria nuk ka përfunduar mandatin e saj të plotë si dhe duke u bazuar në situatën politike aktuale (diskutimet me Serbinë / faza përfundimtare) ASK nuk është i sigurt se pas zgjedhjeve të ardhshme (zgjedhjet e parakohshme në vjeshtë 2019) Qeveria e re do të ketë një periudhë të plotë 4 vjeçare siç është në Kushtetutën e Kosovës.

Gjithashtu, në pranverën e vitit 2021 duhet të zgjidhet President i ri (aktualisht nga parlamenti) dhe nëse nuk mund të zgjidhet vendi duhet të shkojë në zgjedhje të reja. Diskutimi / bisedimet me Serbinë gjithashtu mund të kenë ndikim në pjesëmarrjen e plotë të komunitetit serb që jeton në Kosovë.

Buxheti: Qeveria e Kosovës ka nënshkruar Memorandum me UNOPS për të menaxhuar buxhetin e Regjistrimit. Të gjetur në situatën aktuale (zgjedhje të parakohshme) do të jetë e vështirë që marrëveshja për vitin 2019 të realizohet me UNOPS.

Në muajin Nëntor 2019, bazuar në disa zhvillime dhe rekomandime nga MF, ASK-ja ka prolonguar/anuluar MoU me UNOPS-in që ishte, marrëveshjen në fjalë që paraqet sfidë në realizimin e të gjitha aktiviteteve në kohë.

ASK ka planifikuar të ketë konferencën e tjetër me donatorët dhe optimale do të ishte muaji Tetor-Nëntor 2020.

Nëse Qeveria nuk mund të sigurojë në kohë buxhetin e kërkuar për vitin 2020-2023 (ASK është në diskutime me Qeverinë), projekti i Regjistrimit do të ishte në rrezik dhe ASK do të vlerësonte me kohë (deri në fund të vitit 2020) nëse Regjistrimi duhet të bëhet në Shtator 2021 apo të shtyhet për një kohë të caktuar.

26.Konkluzione dhe rekomandime kryesore

Bazuar në rëndësinë dhe kompleksitetin e projektit Qeveria e Kosovës duhet t'i japë mbështetje të lartë projektit në të gjitha aktivitetet (me kohë) të përqendruara në: legjislacion, buxhet, të sigurojë kushtet e nevojshme të punës (hapësirë shtesë) dhe ndërtimin e kapaciteteve njerëzore.

Nëse buxheti do të menaxhohet nga ASK-së bazuar në legjislacionin aktual (procedurat administrative dhe prokurimi), qeveria duhet të marrë një vendim të veçantë për Regjistrimin në mënyrë që të thjeshtojë procedurat. ASK duhet të vazhdojë të punojë bazuar në planet e veprimtaritë dhe nëse do të ketë vështirësi / sfida (mos-sigurimi i kushteve bazike: buxheti, stafi dhe hapësira pune) duhet të informojë Qeverinë në kohë dhe disa organizata ndërkombëtare (Eurostat).